

PRIJEDLOG:

Na osnovu član 24. stav (1) Zakona o unutrašnjoj trgovini („Službene novine Federacije BiH“ broj, 40/10), člana 11. stav (2) Zakona o ugostiteljskoj djelatnosti (Službene novine Federacije BiH“ broj,32/09), člana 40 stav (1) Zakona o obrtu i srodnim djelatnostima (Službene novine Federacije BiH“ broj,35/09), člana 29. Zakona o lokalnoj samoupravi – Prečišćen tekst (Službene novine Federacije BiH“ broj 22/00) i člana 86. Statuta Općine Ilidža-Prečišćeni tekst („Službene novine Kantona Sarajevo“ broj: 33/10,18/16), Općinsko vijeće Ilidža, na redovnoj sjednici održanoj _____ donijelo je :

ODLUKU

O IZMJENI ODLUKE O MINIMALNOM RADNOM VREMENU U PRODAJNIM OBJEKTIMA I OBJEKTIMA U KOJIMA SE OBAVLJA UGOSTITELJSKA, OBRTNIČKA I OBRTNIČKOJ SRODNE DJELATNOSTI NA PODRUČJU OPĆINE ILIDŽA

Član 1.

(Izmjena člana 13.)

U Odluci o minimalnom radnom vremenu u prodajnim objektima i objektima u kojima se obavlja ugostiteljska, obrtnička i obrtničkoj srodne djelatnosti na području općine Ilidža („Službene novine Kantona Sarajevo“ broj 24/10), član 13. stav (1) mijenja se i glasi:

Član 13.

(Radno vrijeme ugostiteljskih objekata)

„U objektima u kojima se obavlja ugostiteljska djelatnost određuje se završetak radnog vremena najkasnije do 01,00 sat.“

Član 2.

(Stupanje na snagu)

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALAČI

Tarik Stambolić, magistar poslovnog prava

Dostavljeno:

1. Općinski načelnik
2. Služba za privredu i lokalni ekonomski razvoj
3. Kabinet općinskog načelnika
4. Služba za usklađenost, integritet i kontrolu kvaliteta
5. Kantonalna uprava za inspekcijske poslove
6. Peta Policijska Uprava – Policijska stanica Ilidža
7. Za objavu SNKS
8. Evidencija
9. a/a

OBRAZLOŽENJE:

PRAVNI OSNOV

Pravni osnov za donošenju ove odluke sadržan je u:

Članu 24. stav (1). Zakona o unutrašnjoj trgovini („Službene novine Federacije BiH“ broj, 40/10) kojim je propisano:

„Radno vrijeme i raspored dnevnog i sedmičnog radnog vremena prodajnih objekata, radno vrijeme u dane državnih praznika i neradnih dana u kojima je trgovac dužan poslovati, te radno vrijeme tržnice, sajmove, izložbe i druge povremene načine obavljanja trgovine utvrđuje nadležni organ“

Članu 11. stav (2). Zakona o ugostiteljskoj djelatnosti (Službene novine Federacije BiH“ broj,32/09) kojim je propisano:

„Radno vrijeme i raspored dnevnog i sedmičnog radnog vremena u ugostiteljskim objektima, radno vrijeme u dane državnih praznika i neradnih dana u kojima je ugostitelj dužan poslovati utvrđuje nadležni organ“

Članu 40. stav (1). Zakona o obrtu i srodnim djelatnostima (Službene novine Federacije BiH“ broj,35/09),

„Raspored minimalnog dnevnog i sedmičnog radnog vremena obrtnika kao i minimalno radno vrijeme obrtnika u dane državnih praznika i neradnih dana za pojedine obrte utvrđuje se propisom nadležnog općinskog , odnosno gradskog vijeća“.

Članu 29. Zakona o lokalnoj samoupravi – Prečišćen tekst (Službene novine Federacije BiH“ broj, 22/00), kojim je propisano da općinsko vijeće donosi općinske propise u obliku odluka.

Člana 86. Statuta Općine Ilidža- Prečišćeni tekst („Službene novine Kantona Sarajevo“ broj, 33/10,18/16), kojim je propisano da općinsko vijeće donosi općinske propise u obliku odluke.

RAZLOZI DONOŠENJA

Općinsko vijeće Ilidža donijelo je Odluku o minimalnom radnom vremenu u prodajnim objektima i objektima u kojima se obavlja ugostiteljska, obrtnička i ortničkoj srodne djelatnosti na području općine ilidža, na 16. redovnoj sjednici održanoj 15. septembra 2010. godine („Službene novine Kantona Sarajevo“ broj 24/10,), kojom je u članu 13. utvrđeno radno vrijeme ugostiteljskih objekata tako da se završetak radnog vremena u objektima u kojima se obavlja ugostiteljska djelatnost određuje najkasnije do 24,00 sata, sa izuzetkom ugostiteljskih objekata koji se nalaze u sklopu zgrada kolektivnog stanovanja, gdje se određuje završetak radnog vremena u 22,00 sata, a prema članu 13. stav (3) Odluke.

Na osnovu Zahtjeva Općinskog vijeća za izmjenu Odluke o minimalnom radnom vremenu u prodajnim objektima i objektima u kojima se obavlja ugostiteljska, obrtnička i ortničkoj srodne djelatnosti na području općine Ilidža („Službene novine Kantona Sarajevo“ broj 24/10), broj: 01-02-3017/24 od 14.05.2024.godine, kojim se zahtjeva da Služba za privredu i lokalni ekonomski razvoj najkasnije do 15.05.2024. godine (srijeda) izradi i Vijeću dostavi Prijedlog Odluke o izmjeni Odluke o minimalnom radnom vremenu u prodajnim objektima i objektima u kojima se obavlja ugostiteljska, obrtnička i ortničkoj srodne djelatnosti na području općine Ilidža („Službene novine Kantona Sarajevo“ broj 24/10), kojom će se produžiti radno vrijeme u ugostiteljskim objektima za još jedan sat i to samo onima koji nisu u sklopu zgrada kolektivnog stanovanja.

OBRAZLOŽENJE PREDLOŽENIH RJEŠENJA

Članom 1. Odluke o izmjeni Odluke o minimalnom radnom vremenu u prodajnim objektima i objektima u kojima se obavlja ugostiteljska, obrtnička i obrtničkoj srodne djelatnosti na području općine Ilidža mijenja se član 13 stav 1. Odluke o minimalnom radnom vremenu u prodajnim objektima i objektima u kojima se obavlja ugostiteljska, obrtnička i obrtničkoj srodne djelatnosti na području općine Ilidža tako da se završetak radnog vremena u ugostiteljskim objektima završava umjesto u 24,00 sata u 01,00 sat, izuzev ugostiteljskih objekata u koji se nalaze u sklopu zgrada kolektivnog stanovanja, gdje se stavom (3) Odluke utvrđuje završetak radnog vremena u 22,00 sata.

FINANSIJSKA SREDSTVA

Za realizaciju ove Odluke nisu potrebna finansijska sredstva.

Obavljene konsultacije prilikom izrade ove Odluke

Prilikom izrade ove Odluke, kao nosioc izrade, Služba za privredu i lokalni ekonomski razvoj obavila je potrebne konsultacije sa sekretarom Općinskog vijeća u smislu stručne pravne pomoći kod tehnike izrade pravnih propisa, kao i konačne izrade Odluke i njenog obrazloženja, a u skladu sa jedinstvenim pravilima za izradu pravnih propisa u institucijama Federacije BiH, a koja su obavezujuća prema članu 85. stav (2) Statuta Općine Ilidža.